

Rannsóknastofa LSH og HÍ í bráðafræðum

Stofnskrá

Markmið:

Rannsóknastofa LSH og HÍ í bráðafræðum verði miðstöð rannsókna á sviði bráðafræða sem taka til heilbrigðisþátta, félagslegra þátta, fjárhagslegra þátta, forvarna og annarra þátta er tengjast lífsgæðum landsmanna.

Viðfangsefni:

- Efla og samræma rannsóknir í bráðafræðum.
- Efla forvarnarstarf með rannsóknum.
- Vera vettvangur fyrir rannsóknaverkefni í bráðafræðum.
- Efla kennslu og fræðslu í bráðafræðum með öflugri rannsóknastarfsemi.
- Hafa samráð við aðrar rannsóknastofur og aðila sem tengjast rannsóknum í bráðafræðum eða forvörnum.
- Önnur verkefni.

Staða í skipuriti LSH:

Rannsóknastofan er hluti af bráðasviði Landspítala og nýtur aðstoðar og samvinnu við Klínískt rannsóknasetur LSH og HÍ.

Stjórn rannsóknastofunnar er skipuð 5 fulltrúum til 4 ára í senn.

Forstjóri LSH skipar 3 fulltrúa í stjórn skal einn þeirra vera formaður stjórnar.

Fulltrúi bráðalækninga innan læknadeildar Háskóla Íslands og bráðahjúkrunar innan hjúkrunarfræðideildar HÍ skulu eiga sitt hvorn fulltrúann.

Stjórnin skiptir með sér verkum. Stjórnin skal funda hið minnsta annan hvern mánuð og oftast ef ástæða er til. Við ákvarðanatöku ræður einfaldur meirihluti stjórnar.

Skipulag og uppbygging:

Rannsóknaverkefni sem unnin eru á bráðasviði Landspítalans tengjast Rannsóknastofu LSH og HÍ í bráðafræðum. Í því felst aðgangur að aðstoð rannsóknastofunnar, þeirri þjónustu og þeim stuðningi sem þar er að fá eftir nánari ákvörðun stjórnar rannsóknastofunnar. Rannsóknirnar verða taldar fram í yfirliti um starfsemi rannsóknastofunnar og yfirliti VMG og LSH. Hver rannsókn lýtur reglum um akademískt frjálsræði og lýtur stjórn og er á ábyrgð viðkomandi rannsakennda.

Sérhver vísindagrein, ein sér eða í samvinnu við aðrar greinar getur átt aðild að rannsóknastofunni svo fremi sem viðfangsefni hennar falli að markmiðum rannsóknastofunnar. Rannsóknastofu LSH og HÍ í bráðafræðum er heimilt að nota merki LSH og HÍ í samskiptum og á bréfsfni.

Rekstur:

Rekstur rannsóknastofunnar ákvarðast af þeim tekjum sem rannsóknastofan aflar, en þær geta verið:

- Styrkir
- Rekstrartekjur af einstaka rannsóknaverkefnum
- Tekjur af útgáfustarfsemi
- Greiðslur fyrir veitta þjónustu
- Tekjur af námskeiðshaldi
- Framlög frá bráðasviði LSH
- Aðrar tekjur t.d. gjafir

Starfsmenn í föstu starfi rannsóknastofunnar verða starfsmenn bráðasviðs Landspítala og launakostnaður greiðist af tekjustofnum rannsóknastofunnar.

Heimilt er að ráða einstaklinga í tímabundin verkefni fyrir rannsóknastofuna en þá mun fjármagn fylgja viðkomandi rannsóknaverkefnum.

Framlög bráðasviðs Landspítala geta falist í að leggja rannsóknastofunni til húsnæði og nauðsynlegan búnað ásamt almennum rekstri húsnæðis og tölvubúnað, samkvæmt nánara samkomulagi.

Fjármálaráðgjafi bráðasviðs í samvinnu við fjármálasvið og VMG annast bókhald, árlegt uppgjör starfseminnar og endurskoðandi sjúkrahússins fer yfir ársreikninga rannsóknastofu LSH og HÍ í bráðafræðum.

Ársskýsla rannsóknastofunnar skal birt með ársskýrslu bráðasviðs Landspítala.


Árangursmat:

Árangursmat rannsóknastofu LSH og HÍ í bráðafræðum byggist á birtingu greina, bóka, bókakafla, úrdráttu og fluttum fyrirlestrum, auk fenginna styrkja og fjölda nema í masters- og doktorsnámi.


Sérákvæði:

Stofnskrá þessi öðlast gildi þegar framkvæmdastjórar bráðasviðs LSH og vísinda-, mennta- og gæðasviðs LSH (VMG) sem og forstjóri LSH og forseti Heilbrigðisvísindasviðs Háskóla Íslands hafa undirritað hana.


Reykjavík 4. maí 2010




Guðlaug Rakef Guðjónsdóttir
framkvæmdastjóri bráðasviðs LSH



Kristján Erlendsson
framkvæmdastjóri VMG LSH



Björn Zoega
forstjóri LSH



Sigurður Guðmundsson
forseti heilbrigðisvísindasviðs HÍ